

7-D14-Sy

- a - أهلاً وسهلاً
- b - أهلين بحضرتك.
- a - تفضّل. حضرتك أستاذ غسان مهناً، ما هيك؟
- b - نعم أستاذ.
- a - وين درست يا أستاذ غسان؟
- b - أنا درست بجامعة دمشق. وتخرجت من سنتين من كلية الإدارة، قسم إدارة الأعمال.
- a - وشو عملت بعد هيك؟
- b - والله، اشتغلت سنة بشركة نوّيا. بعدين اشتغلت بينك. بس ما كنت مبسوط كثير بالشغل.
- a - ليش؟ شغل كثير؟
- b - بالعكس. بالحقيقة ما كان في شغل. وكمان أستاذ، المعاش ما كان كثير منيح.
- a - طيب ليش بدك تشتغل بشركتنا؟ مشان المعاش؟
- b - لالا. أنا بحب الشغل كثير. وسمعت كثير عن شركتك من زميلي بالجامعة، وهو موظف عند حضرتك.

- a - شو إسمُه زميلك؟
- b - اسمه أحمَد الكَيِّلاني، وهو يِشتغل بِقسم marketing.
- a - إيه إيه. الأستاذ أحمد موظف ممتاز. طيب يا أستاذ غسان، وكيفك بالإنجليزي؟
- b - Good. يعني، درست إنجليزي بالجامعة، بقرى كثير منيح بس بدي شوية practice بالحكي.
- a - طيب يا أستاذ غسان، تشرفنا كثير. وانشالله خير.
- b - شكراً. أيمتى مُمكن تخبروني انشالله؟
- a - يعني أسبوعين ثلاثة انشالله.
- b - انشالله. طيب. بالإذن.
- a - إذنك معك. مع السلامة.
- b - الله يسلِّمك.